

## Band IV., Nr. 968, Seite 16-17

*Kaiser Friedrich (II.) gestattet seinem Getreuen, dem Schenken Konrad von Winterstetten, gewisse in der Urkunde bezeichnete Güter in Baidt und an andern genannten Orten unter angegebenen Bedingungen zu Gründung des Klosters in Baidt zu verwenden, und nimmt dasselbe zugleich mit allen Erwerbungen in seinen kaiserlichen Schutz.*

Im Lager vor Faenza, 1241. März.

Fridericus, dei gracia Romanorum imperator semper augustus, Ierusalem et Sicilie rex. Inter cetera pietatis opera, quibus imperiale solium decoratur, sicut ecclesiastice religionis honor apud ecclesiarum actorem excellit, sic honeste cause merita Romanum principem favorabilem reddunt petitionibus subditorum, ut digne compleat quod pie petitur et rogatur. Hinc est igitur, quod tenore presencium notum fieri volumus universis, quod Cunradus pincerna, fidelis noster de Wintherstet, supplicavit nostre celsitudini proponendo, quod, cum emerit quedam bona in villa, que vocatur Bûnda, a comite de Monte Sancto, et quedam alia bona ab Henrico dicto Wildeman comparaverit apud Gruninberc, ac alia bona in feudo teneat a nobis in loco, qui vocatur Entirsperc<sup>1</sup>, et intendat cum licencia et gracia nostra monasterium ibidem construere monialium Cisterciensis ordinis ad continuam laudem Christi, ei dignaremur dare licenciam dictam ecclesiam construendi, ut bona ipsa cedant in usus et proprietates monialium predictarum, tali videlicet condicione: quod bona, que ipse comparavit a comite Gotfrido de Marsted in villa, que dicitur Vrsingin<sup>2</sup>, cum iure patronatus ecclesie et aliis pertinentiis suis, que ipse in manibus dilecti filii nostri Cunradi, Romanorum in regem electi, semper augusti, et heredis regni Ierosolimitani resignavit, loco dictorum bonorum a nobis similiter in feudo recipiet et cognoscet. Nos igitur attendentes grata et devota servicia memorati pincerne nobis exhibita, et que in omni devocione sedulo satagit exhibere, nec minus tam pio<sup>a</sup> opere clementer inducti, quod ad feminei sexus religionem et gloriam impetratur, in decore domus domini construende, suis tam iustis petitionibus inclinati, nec non divine retribucionis obtentu dicto pincerne, fideli nostro, damus licenciam et assensum in predictis bonis apud Bûnde, emptis a comite de

<sup>a</sup>In der Urkunde war *tam pio* doppelt geschrieben, allein einmal durchstrichen.

<sup>1</sup>Abgegangen ?

<sup>2</sup>Irsingen.

## II

Monte Sancto, monasterium sanctimonialium Cisterciensis ordinis ad honorem domini construendi. Confirmantes eidem monasterio quicquid iuris in bonis ipsis habemus ac etiam in bonis apud Gruninberc et Entirsperc ad nos videbantur spectare, bonis videlicet in Ursingen, que emit a comite Gotfrido de Marsteten, traditis et assignatis in manibus dicti filii nostri, regis Cunradi, loco predictorum que a nobis tenebantur in feudo, ut ea de cetero a nobis et heredibus nostris sibi concessa in feudum recognoscat, dicto pincerna<sup>b</sup> nichilominus promittente, quod si bona ipsa non essent equivalencia bonis feudi, que prius apud Entirsberge tenebat a nobis, emet alia bona et tradet et assignabit in proprietatem nostram ad bonorum equivalenciam predictorum. Ex habundanti quoque gracia dictum monasterium cum omnibus bonis suis, que in presenti racionabiliter possidet vel in antea iusto acquisitionis titulo poterit adipisci, sub nostra et imperii protectione recepimus speciali, statuentes et presentis scripti auctoritate mandantes, quatinus nullus sit, qui dictum monasterium contra presentis confirmationis et protectionis nostre tenorem presumat temere molestare. Quod qui presumpserit indignacionem nostri culminis se noverit incursum. Ad huius itaque concessionis nostre memoriam et stabilem firmitatem presens scriptum fieri et sigillo maiestatis nostre iussimus communiri.<br> <br> Acta sunt hec anno domini millesimo CC<sup>o</sup>. quatragesimo primo, mense Marcii, XIII<sup>e</sup>. indictionis. Datum in obsidione Favencie, anno, mense et indictione prescriptis. Feliciter. Amen.

—

Der Textabdruck folgt dem Original.<br> <br> Auszug nach einer von der Kanzlei des Klosters Weingarten im Jahr 1727 gefertigten Abschrift in Archiv für Kunde österreichischer Geschichts-Quellen. Notizenblatt 1 (1851) - 9 (1859) (1851), S. 306.<br> <br> Am Pergament der Urkunde befinden sich unterhalb in der Mitte zwei eingeschnittene Löcher zum Durchziehen einer Siegelschnur. Das Siegel ist verloren.

---

<sup>b</sup>Die Urkunde liest *pincerne*.

## Überlieferung und Publikationen

**Lagerort:**

Gesamtarchiv der Fürsten zu Waldburg-Wolfegg, Schloss Wolfegg

**Signatur/Titel des Originals:**

WoBai U I

**Überlieferung und Textkritik:**

War im Salm-Reifferscheid-Dyck'schen Archiv in Baidnt.

**Editionen:**

Huillard-Bréholles: *Historia diplomatica*, Bd. 5,2, S. 1105. Winkelmann: *Acta imperii inedita*, S. 319.

**Regesten:**

Regesta Imperii Abt. 5, Bd. 1,1, S. 562, Nr. 3194.

## Weitere Angaben

**Sprache:**

Lateinisch

**Ausstellungsort:**

Im Lager vor Faenza

**Aussteller:**

Friedrich II.; König/Kaiser

**Ortsindex:**

Baidnt Wohnplatz (19193)<br> Baidnt, RV<br> Entersberg<br> Faenza, Emilia-Romagna, Italien<br> Grünenberg Wohnplatz (19197)<br> Grünenberg, Baidnt, RV<br> Heiligenberg Wohnplatz (17938)<br> Heiligenberg, FN<br> Irsingen, Türkheim, MN<br> Jerusalem, Israel<br> Marstetten Wohnplatz (18623)<br> Marstetten, Aitrach, RV<br> Rom, Latium, Italien<br> Sizilien, Italien<br> Winterstettenstadt : Ingoldingen BC<br> Winterstettenstadt Wohnplatz (17302)